

**Бобо Тоҳир
(980—1055)**

Бобо Тоҳир (Урён) — Эроннинг шимолий-ғарбидаги Ҳамадон шаҳрида туғилган. У ирфон соҳиби, ўз таъбири билан айтганда, самовот илмининг донишманди эди. Мусиқадан яхшигина хабардор бўлиб, ўз тароналарини куйга солиб айтиб юрган.

«Урён» сўзининг лугавий маъноси «ялашғоч» бўлиб, шоир ўзига бу тахаллусни қўллар экан, бизнингча, унинг тасаввуфий мазмунини кўзда тутган: унга кўра урён — бу дунёдан фард бўлишга, Оллоҳ йўлида мужаррад бўлишга ишора. Шоир номига қўшилган «Бобо» унвони хам унинг тасаввуф пирлари жумласидан бўлганлигини кўрсатади.

Бобо Тоҳир дарвештабиат киши бўлиб, қаландарона хаёт кечирган. Афсоналардан бирида айтилишича, у одамлар билан мулоқотдан қочиб, Алванд тоғининг қорли чўққиларини макон тутган. Бу нарса унинг шеърларида хам ўзининг ёрқин ифодасини топган. Шоирнинг гоҳ орифона мушоҳада-мулоҳазалар, гоҳ ошиқона завқу шавқ билан ёзилган, риндана жазабаю шатҳиётга омухта, ишку ошуфталик, дарду ҳасратга йўғрилган тароналари унинг мураккаб, нотекис, оғир ҳаётидан, руҳий поёнининг чексизлиги-ю, қалб тебранишларининг ранг баранглигидан, турфа ҳолатиу кайфиятидан ҳикоя қиласди.

Бобо Тоҳирнинг ижодий мероси унча бой эмас. Унинг форсийда тахминан 350 та тўртлиги маълум бўлиб, кейинги вақтларда дунёning кўпгина тилларига таржима қилинган. Шоирдан форсийда ёзилган 4 ғазал хам қолган, дейишиади.

Тарихий манбалар ва тазкираларда берилган маълумотларга кўра, унинг араб тилида тасаввуф масалаларига бағишлиланган бир неча рисолалари мавжуд. Лекин ҳозирги кунда унинг «Каламоти қассор» («Мухтасар сўзлар») асари маълум. У Бобо Тоҳирнинг тасаввуфий ақидалари ва ахлоқий фикрлари мажмуидан иборат. Шунингдек, унинг арабча икки маснавийси ва бир неча қитъалари бизгача етиб келган. Уларнинг барчасида ирфон ақидалари, сўфиёна маърифату ҳакиқат, зикру ибодат, важду илҳом ва жазабаю муҳаббат хусусида сўз боради.

Бобо Тоҳирнинг номини оламга ёйган унинг дубайтийлари — тўртликлари хисобланади. У ўзи мансуб лурий лаҳжасида, ҳалқона усуlda, содда ва равон услубда ёзади. Лекин шоир тароналаридағи ташбеҳу тимсоллар ўзининг гўзал ва оҳорлилиги, маънолари кенг ва теранлиги, фалсафий фикру мулоҳазалар кўламли ва ҳаққонийлиги билан кишини ҳайратга солади. Бу тароналар бежиз форс мумтоз сўз санъатининг олтин фондидан жой олмаган.

Шоир шеърларида илоҳий ва инсоний ишқ ажиб бир тарзда уйғунлашиб кетган, уларни ўзаро ажратиб, мана бу — илоҳий, мана бу эса — инсоний ишқ, деб бўлмайди. Шоирнинг комил ишончига кўра илоҳий ишқ инсоний ишқдан ўсиб чиқади ва, ўз навбатида, инсоний ишқ юксала бориб, пировард-натижада илоҳий ишққа айланади. Бобо Тоҳир ижодида хам чарху фалакдан, замонадан, одамлардан шикоят оҳанглари, ўткинчи дунёни танқид қилиш мотивлари учрайди. Бу унинг ўз даври билан ҳамнафас шоир бўлганлигини тасдиқлади.

Бобо Тоҳир тароналари ҳалқона бўлганлиги учун китоблардан кўра ҳалқ оғзида кўпроқ тарқалган ва, асосан, ҳалқ хотираси орқали бизгача етиб келган.

Шоир шеърларини ўз ичига олган қўллёмаларнинг аксар XVIII—XIX асрларга тааллуқли эканлиги хам бунинг ёрқин далилидир. Эрон, Хиндистон, Покистон, Афғонистон, Тожикистонда улар, айниқса, машҳур ва кўпинча ҳалқ оғзаки ижоди намуналари билан қўшилиб кетган.

Бобо Тоҳир рубоийлари бугунги кунда ўзбек ўқувчилари томонидан ҳам севиб мутолаа қилинмоқда. Шоир ижодидан намуналар Ш. Шомуҳамедов ва Абдулҳаким Шаръий Жузжонийлар томонидан таржима қилиниб, нашр этилган¹. Лекин бу таржималар бармок (Жузжонийнинг 10 та арузий таржимасидан ташқари) вазнида амалга оширилган бўлиб, биз уларни ўз анъанавий вазни — ҳазажи мусаддаси маҳзуф (мақсур) вазнида таржима қилдик. Аввалги таржималарда содир этилган маъно бузилишларини тузатишга интилдик. Айни пайтда, шоир маҳорати-ю, дубайтийларининг бадииятини ҳам имкон қадар қайта яратишга ҳаракат қилдик.

¹ Инжулар уммони. — Тошкент, 1988. 120—149-бетлар; Рудакий ва Бобо Тоҳир шеъриятидан. — Тошкент, 1994. 89—139-бетлар; Жузжоний А. Ш. Тасаввуф ва инсон. — Тошкент, 2001. 157—162-бетлар.

1

Кел, эй булбул, чекайлик ох саҳардан,
Ўқи ишқ дарсини бу дарбадардан.
Сен ўртансанг гул ишқида туну кун,
Мен узмасман қўнгилни лабшакардан!

2

Менинг дардим каби дард йўқ жаҳонда,
Бу сўнгсиз дарду ғамдан дил фигонда.
Хабардор бўлса ким дарду ғамимдан,
Қолар ғам ичра мисли Нуҳ тўфонда.

3

Худоё, ўнгла бу банданг ишини,
Ўзинг ёлғиз кишилар ҳамнишини*.
Дегайлар ҳеч кими Тоҳирни йўқдир,
Худойим бор, нетай ўзга кишини?!

* Ҳамнишин — бирга ўлтирувчи, дўст, ҳамсухбат, улфат.

4

Дило, кўп бехушу ҳайрона юрдим,
Бу номус шишасшиш тошга урдим.
На ҳожат нангу номус* — кимки ошиқ,
Нангу номусни ишқизларга бердим!

* Нангу номус — обрў, шараф.

5

Кўриб жабру жафо чарху фалакдан,
Аrimas қайфу-ғам бир дам юракдан.
Самони бўйласа оҳим тутуни,
Кўзим ёши энар пастга этакдан.

6

Худо олсин, илоё, бу жаҳрни!
Омон қўймас, омон ҳеч битта жонни.
Туғилмай битгаси, иккинчиси дер:
Ажал олди фалон ибни фалонни.

7

Мұҳаббатсиз қўнгилнинг сўлгани соз!
Кишининг дарди йўқми — ўлгани соз!
Бу ишқ йўлида событ бўлмаган тан
Куйиб оташ аро кул бўлгани соз!

8

Амон, эй ал-амон шум толеимдан!
Фигон, юз минг фитон қўйган дилимдан!
Юрак-бағрим қон этди чархи золим,
Қачон қўл тортар у жабру зулмдан?!

9

Ғамим беҳадду дардни йўқ ҳисоби,
Илож топмай ошар дил изтироби.
Тушунмас бу насиҳатгўй, Худойим,
Менга боғлиқ эмас-ку ипгқ азоби?!

10

Кел, эй қўнгил, кел, эй дўсти қадрдон,
Ул ишни килмаки, сўнгги пушаймон.
Бу тушкун, қайғули кунлар-да ўтгай,
Сурармиз биз-да давронлар беармон.

11

Кийиб бўз тўнни, белга боғладим шол,
Кўриб мағурурлигим қолсин фалак лол.
Кезай бошдан-оёқ бу баҳру барни*,
Ажабмас, кулса баҳт, ўнгланса аҳвол.

* Баҳру бар — сув ва қуруқлик.

12

Само илмин қулоққа илмадинг сен,
Харобот йўлин орзу қилмадинг сен.
Азизлар қошига қандоқ етарсан?
Сабаб: фойда-зиёнинг билмадинг сен!

13

Менинг дардимга дармоним Ўзингдан,
Висолим бирла хижроним Ўзингдан.
Агар қассоб келиб теримни шилса,
Сира ажралмагай жоним Ўзингдан!

14

Етар, боғбон, бас айла гул экишни,
Етар, қўй гул учун заҳмат чекишни.
Агар гулнинг вафоси шу бўларкан,
Гул ўрнига тикан эк — қил шу ишни!

15

Худоё, бир тани меҳнатканшм бор,
Худоё, бир дили ҳасраткашим бор.
Фақирлик* шавқи, ёлғизлик ғамидан,
Худоё, дилда ўчмас отапшм бор.

* Фақирлик — соликнинг фақр макомидаги ҳолати. Фақир шундай кишики, у фақат Ҳақ маърифатига етишга муҳтож бўлади.

16

Кўзимнинг хонаси бўлсин саройинг,
Икки кўз орасида хоки пойинг,
Товонгапта, оёқ босгандা билмай,—
Мижам санчилмасин, дер бу адойинг.

17

Дилим бордир менинг девонаю данг*,
Билолмам — борми менда номусу нанг?
Қутулсам бир куни девоналиқдан,
Урарман ул санам этагига чанг.

* Данг — бехуд, ҳайрон.

18

Сенингсиз дилда бўлмас шоддик асло,
Алам-ғамдан бўлак озодлик асло.
Кўнгил вайронаси етмай қадаминг,
Илохи, кўрмасин ободлик асло!

19

Мен ул риндманки, номимдир қаландар*,
На жойим бор, на ноним бор, на бор зар.
Кун ўлса, кўйинг узра чарх урарман,
Тун ўлса, ёстиғим — тош, майса — бистар*.

* Қаландар — 1) илохий ишқ йўлида важд ҳолатига етган дарвеш; 2) вужуд ва қалбини поклаб, ўзини фано ҳолатига етказишига интилган солик; 3) қаландария тариқати аъзоси.

* Бистар — тўшак, ётар жой, кўрпа-тўшак, ўрин.

20

Вой ул кундан, агар қабрим бўлур танг*,
Тўкиб устимга тупроқ, босса харсанг.
Илонлардан кочарга на оёқ бор,
На қўл — қилсам чумолилар билан жанг.

* Танг — тор, сикик.

21

Худоё, бўлдим-ей безор бу дилдан,
Кечакундуз чекиб озор бу дилдан.
Бу дилнинг дастидан додга келибман,
Ўзинг қутқарки, мен безор бу дилдан!

22

Нечун озурдаҳолсан*, эй дил, эй дил?
Мудом банди хаёлсан, эй дил, эй дил?
Утири бир гўшада, Ҳақ шукрини қил,
Ки шояд ком тополсанг, эй дил, эй дил!

* Озурда хол — озор чеккан, ранжиган, хафа бўлган.

23

Не баҳт ул кун, агар қабрим бўлур танг,
Менга ёстиқ гиёҳу ғишту харсанг.
Оёқлар — қиблада, сахрода — жоним,
Таним қурту қумурсқа-ла қилур жанг.

24

Худо зикрини қилмайсан, бу не ҳол?
Нафсдан айру келмайсан, бу не ҳол?
Сенинг қадринг малаклардан баланддир,
Сен ўз қадрингни билмайсан, бу не ҳол?

25

Десам ҳам, демасам ҳам, эй Бирубор,
Биларсан дилда неки ҳожатим бор.
Агар хоҳла, раво қил ҳожатимни,
Агар хоҳламасанг, ёлғиз зорим бор.

26

Бу дунёда менга йўқ ком сенингсиз,
Қўлимга тутмагайман жом сенингсиз.
Туну кун мисли мажнунтол титраб,
Менга йўқ бир нафас ором сенингсиз.

27

Қараб саҳрого саҳронгаи кўурман,
Қараб дарёга дарёнгни кўурман.
Биёбон, тоғу дарёга тикилсам —
Ҳар ерда қадди раънонгни кўурман.

28

Тиканга түядек қилдим қаноат,
Эшакдек лек юким оғир ниҳоят.
Емишим кам, юким қўп бўлса-да, боз —
Уятлиман эгам қошида ғоят.

29

Кетай бошим олиб энди қаёққа?
Кечай Чин бирла Мочиндан йироққа!
Хабар йўллаб, дедим сийминдудоққа*:
Узоқлик истасанг, кетдим узоққа.

* Сийминдудоқ — кумуш лаб; мажозан: гўзал лаб.

30

Билолмайманки, саргардон нечун мен?
Гаҳи гирён, гаҳи нолон нечун мен?
Ҳамма бедардларга бору дармон,
Билолмайманки, бедармон нечун мен?

31

Ғамингда хастаҳолман — нолимайми?
Қанотсиз қуш мисолман — нолимайми?
Эшитган борки, дер: нолангни кам қил,
Бу ишда bemажолман — нолимайми?

32

Юрагим хастаю бағримдир афгор*,
Гўримда ҳам чекарман нолаю зор.
Сўрарлар йўқми, деб шўринг мабодо,
Бош-оёқ шўрман-у, шаррим* йўқ, эй ёр!

*Афгор — мажруҳ, эзилган. ўртанган; ночор; ғамли.

* Бу ерда фарёд, фифон маъносидаги шўр ва фитна, фасод маъносидаги шар(p) сўзлари воситасида сўз ўйини қилинган. Колаверса, шўр сўзининг тутғен, ғалаён, фитна, фасод маънолари ҳам бор.

33

Ғаму дардинг сира кетмас дилимдан,
Фофил эл бу юрак-бағри тилимдан.
Чаманда бағри бут бир булбуле йўқ
Менинг бу оташин қолу қилимдан*.

* Қилу қол (Қолу қил) — сўзлаш, гап-сўз, мубоҳаса.

34

Назар ташлаб, дегил, мен ким томонман?
Куйиб ҳажрингда бир тўп устухонман.
Етар, андиша қил, зулмингни тўхтат,
Ҳар охи ўқ-у, ноласи — камонман.

35

Фигонимдан куяр бу кўм-кўк осмон,
Куяр бошдан-оёқ бу чархи гардон*.
Ўзинг танла: берарсанми муродим,
Ё бўлсин еру кўк ўт ичра яксон?!

* Чархи гардон — айланувчи фалак; осмон; жаҳон.

36

Бу кун яшнаб ётар боғу тоғу дашт,
Бўлинг хуррам бу ерларда суреб гашт.
Жуда чексиз — уфкларга туташган
Ушал боғ-у, ўшал тоғ-у, ўшал дашт.

37

Бу ҳолимдан ўзим-да бехабарман:
Уйимдаманми ё қилдим сафар ман?
Фигон дастингдан, эй кўнгли қаттиқ ёр,
Бўларманми бутун умр дарбадар ман?!

38

Фююн дил дастидан — комимча юрмас,
Иши озору ғамдан ўзга эрмас.
Мен ўхшайман ўшал қушгаки, доим —
Тушар домга, агарчи дона термас.

39

Дединг, эшкак эшувчига ўхшарман:
Кўзим дарёсида эшкак эшарман.
Мудом қўрқувдаман: ғарқ бўлса кемам,
Бу чексиз баҳр аро қандай яшарман?..

40

Қиларман нола шомдан тонгга довур
Сенинг дастингдан, эй ёри бетадбир:
Гоҳида ўқ еган қоплон мисоли,
Гоҳида шер каби — бўйнида занжир.

41

Тун эрса, ҳажрида дилпорадирман,
Кун эрса, дардида бечорадирман.
Яшар у ўз маконида хотиржам,
Мен эрса, даҳр аро оворадирман.

42

Нетай, гарду ғуборга тўлмиш олам,
Менингдек барча диллар лиммо-лим ғам.
Мен Алванд* этагида сунбул экдим,
Заъфарон* ранги рангимдек унинг ҳам.

* Алванд — Эрондаги Ҳамадон шахри яқинидаги тоғ.

* Заъфарон — сарғиши тус берувчи хушбўй ўсимлик; сариқ ранг.

43

Ўшал Қақнус* кушиман мен-да, филҳол*,
Жаҳонга ўт тушар урсам пару бол*.
Деворга сувратим солса мусаввир,
Ёқар оламни буткул ушбу тимсол.

* Қақнус — афсонавий хушловоз қуш: бир умр ҳас-ҳашак йигиб, кейин унинг уетига чиқиб, шунақангига ўтли наво чекарканки, нафасидан тўплаган хирмони аланг олиб, ўзи ҳам ёниб кетаркан — унинг қулидан янги қақнусбачча пайдо бўлар экан.

* Фил ҳол — дарҳол, шу онда.

* Пару бол — қанот.

44

Ҳаром бўлсин сенингсиз лолаю гул,
Ҳаром бўлсин сенингсиз бонги булбул,
Ҳаром бўлсин агар сенсиз ўтирсан
Ва гулшан ичра бўлсан майга машғул.

45

Хуш ул соатки, дийдоринг қўрарман,
Гўзал кокили мушкборинг* қўрарман.
Дилимда қолмагай бир зарра ҳам ғам,
Қачонки, лоларухсоринг қўрарман.

* Мушкбор — мушк ёғдирувчи.

46

Дилимнинг қаърида минг бир ғамим бор,
Ёқар бағримни ҳеч ўчмас олов — нор.
Бу куйган дил сахарда чекса бир ох*,
Неча минг шайху зоҳид бўлгай абгор.

* Тасаввуф аҳли тонгда урилган оҳ илоҳий маҳбубага етиб боради, деб ҳисоблайдилар. Бундан ташқари, сўфиёна адабиётда кўпинча бир оҳ уриб, жон бериш хақида сўз борадики, бу оҳ ошикни маъшукқа етказади.

47

Сенинг даётингдан, эркам, кийганим кўк,
Дилимда лоладек доғи ғаминг кўп.
Агар ишқингда оҳ урсам ўшал тонг,
Ҳама ўйлар бу Исрофил сури деб.

48

Мен ул уммонки, зарфга* жо бўлибман,
Мен ул нуқтаки, ҳарфга жо бўлибман.
Яшар ҳар бир «алиф»да бир «алифқад»,
«Алифқад»ман, «алиф»га жо бўлибман.

* Зарф — идиш.

49

Бу дунёда фақат бир орзуйим бор:
Менга ёр бўлса бас ул лоларухсор.
Дилим дардини гар тоғларга айтсан,
Бу тоғларда гиёҳ унмайди такрор.

50

Куюқ диллар, келинглар, оҳ урайлик,
Бепарво бизга дилбар, оҳ урайлик.
Борайлик булбули шайдо қошига,
У оҳ урмаса, бизлар оҳ урайлик!

51

Кўнгил роҳат билар хору ҳашакни,
Тўгар гар довруғи чарху фалакни.
Агар жисм арғумоги чиқса қўлдан,
Юкинг енгил бўлар, бузма пинакни.

52

Туним ялдо тунидан ҳам қоронғу,
Бу дардимдан батар дард борми, ёху?
Ҳама дарднинг бўлар дармони охир,

Менинг дардим эса дармондан айру.

53

Ажаб баҳтиқароман — манглайим шўр,
Ҳаёт — нурсиз, кўнгил мисли қаро гўр.
Муҳаббат кўйида бўлдим балокаш,
Бу дил дастида қонман — бир келиб кўр.

54

Бўлибман ёр кўйида зору ҳайрон,
Кечакундуз кўзимдан томчилар қон.
Агар дил розини ким элга очса,
У бир девонадир ёхуд паришон.

55

Дилинг топгайми ҳолимдан хабар ҳеч?
Кўярми марҳамат қонли жигар ҳеч?
Жигари сен каби қон бўлмаганлар
Жигари қоилига қилмас назар ҳеч.

56

Сенингсиз, эй санам, йўқ менда дармон,
Кўзим ёшли, жигар-бағрим эрур қон.
У кун бўйнингни қучган ушбу қўллар
Бу кун бошимнинг устида паришон.

57

Агар масту хумормиз — бергил иймон,
Агарда бекаромиз — бергил иймон.
Мажусий, бутпараст ёки мусулмон,
Неча миллатки бормиз — бергил иймон.

58

Сени деб боғладим белимга зуннор*,
Жуҳуду бутпарастман, кулсам, эй ёр.
Кўриб аҳду вафойингни, дилором,
Бўлай аҳду вафо кимдан умидвор?

* Зуннор — насронийлар белига боғлайдиган чилвир. Ислом мамлакатларида ғайри мусулмонлар ҳам зуннор боғлаб юришга мажбур эдилар. Тасаввуфда зуннор — хакикий маҳбуба хизмати ва тоатига бел боғлаш.

59

Ишқингда ўт аро қолди вужудим,
Бу ўтда куйди-ей буду набудим*.
Оёқ кўйса иting қўзга, ғуборин

Мижам-ла тозалаб қўймоқчи эдим.

* Будунабуд — бору йўк.

60

На мулки бор-у, на дунёга майли,
Ажойиб халқ эрур ушшоқ хайли.
Кеча-қундуз сабрни айлагай касб,
Гўзалларнинг юзи ёди туфайли.

61

Пушаймонмиз, пушаймонмиз, пушаймон,
Пушаймонликда олислайди карвон.
Вафо қилмаса-да ҳеч кимга дунё,
Мудом мишнатини тортади инсон.

62

Сабо келтирса ул кокул ҳидини,
Кетар босиб гулу сунбул ҳидини.
Хаёлингни қучоқлаб ётсам тунда,
Тўшагим тарқатар тонг гул ҳидини.

63

Худо ҳаққики, жононим ўзингсан,
Араб султони*, кел, жоним ўзингсан.
Билолмам, ким ўзим, қандай мақомим?
Биларман, аммо дармоним ўзингсан.

* Араб Султони — Мухаммад алайхиссалом.

64

Бу савдонинг тугар они кўринмас,
Бу ғамнинг ҳадди-поёни кўринмас.
Агар шубҳа қиласан, кел, ўзинг кўр:
Бу не дардирки, дармони кўринмас.

65

Дилим бор — бир дам у хуррам бўлолмас,
Фамим бор — ҳеч қачон ҳам кам бўлолмас.
Жаҳон зеболаридан хужжатим бор:
Вафосиз ёр менга ҳамдам бўлолмас.

66

Қиёмат кунида қози Худодир,
Сирот қўпригида минг можародир.

Утарлар бирма-бир ёшу қарилар,
Кутиб навбат менинг күнглим қародир.

67

Фамингда құзларим доим түкар ёш,
Түшакдир менга тупроқ, ёстиғим — тош.
Сени жондан севарман — шу гуноҳим,
Шуми ишққа мукофот, эй қаламқош?!

68

Бу қандай кеча — ҳаммаёқ қоронғу:
Еру осмону сўлу соғ қоронғу.
Кўрай чорёр билан саккиз имомни,
Дилимни босмасин мутлоқ қоронғу.

69

Жаҳонда мен каби қуйган кўнгил йўқ,
Менингдек дарду сўзу ғамга қул йўқ.
Нечук боғлай бу ёш дарёси йўлин?
Унинг манбаи дил — тўсгувчи қўл йўқ!

70

Менинг кўнглимдаги ғам беҳисобдир,
Худо билгай: кўнгил қуши қабобдир.
Улуғларман сенинг қўлингни, жаллод,
Агар қонимни тўксанг, бу савобдир.

71

Бу дардимни бировга сўйлаёлмам,
Ўзимга ўзгани ёр айлаёлмам.
Менга дерларки, ўз ёрингни тарқ эт,
Бу бир ёрки, уни тарқ айлаёлмам.

72

Икки қўзимни айлаб зору гирён,
Олиб ақлимни, этдинг лолу ҳайрон.
Агар Мажнуни ҳолин сўрса Лайли,
Уни сахро томон қилдинг нигорон.

73

Билолмайман: мени ким килди урён?
Ўзим жаллодман-у, ким қилди бежон?
Пичоқ бер, то юракни пора айлай,
Кўрай не бўлганин ишқ дастида жон?

74

Тиларман дил у қоши хамга арзир,
Агар арзимаса, мотамга арзир.
Фамингдан ҳар киши гар ёқа йиртса,
Ҳар йиртиқ ёқа бир оламга арзир!

75

Заминда бир киши йүқ менга ўхшаш,
Бу динда бир киши йүқ менга ўхшаш.
Ишонмайман ўзимдекларни күрсам:
Нахрт, бу менга ўхшаш, менга ўхшаш?!

76

Ким ошиқ бўлса, у жондан ҳайиқмас,
Ошиқ кундаю зиндондан ҳайиқмас.
Бўлар ошиқ дили оч бўри янглиғ,
Бўри чўпону гаврондан ҳайиқмас.

77

Узун тунлар менинг жоним қуяр, ох,
Гирибондан* то домоним* қуяр, ох.
Ўшал севимли ёр ёдида жоним —
Мудом қўрқувда: иймоним қуяр, ох.

* Гирибон — ёқа.

* Доман — этак.

78

Сенинг ишқингда битди сабру бардош,
Кўзим ёши этар пинҳон сирим фош.
Бу ошиқ қўнгли мисли ҳўл ёғочдир —
Куяр бир учи, бир учи тўкар ёш.

79

Сенингсиз бўлмагай шодлик бу жонда,
Сени кўрганда ғам тарқар шу онда.
Дилим дардини қисмат этса барча,
Бирор беғам киши қолмас жаҳонда.

80

Дилимда ғам ниҳоли отди реша*,
Худони ёд этиб, ийғлай ҳамиша.
Азизлар, бир-бирингизни авайланг,
Ажал — тош бўлса, одам мисли шиша.

* Реша — илдиз, томир.

81

Чекар булбул сахар чоғида фарёд,
Қилиб гулнинг нурафшон чеҳрасин ёд.
Фалак, оҳим ўтидан эҳтиёт бўл,
Куюқ дилларнинг оҳи мисли гирдбод.

82

Тўкарман ўтли ёшлар мисли ул шам,
Оҳимдан ўт олар етти фалак ҳам.
Кўзимдан қонли ёш тўккайман андоқ —
Қолар бошдан-оёқ сув ичра олам.

83

Азизлар, шод бўлинг, авжи баҳордир,
Чаманлар яшнаган, чўл лолазордир.
Бу мавсумнинг фанимат ҳар бир они,
Билинг, дунёи дун* беэътибордир.

* Дун — тубан, пасткаш, разил, хор.

84

Бошимда ишқининг шавқ-иштиёғи,
Дилимга ўт солар оташ ёноғи.
Ўзи Каъбаю бут, қибла — тўлибидир
Зухурига жаҳоннинг ҳаммаёғи.

85

Гўзаллар қонли дил истар — шу маъқул,
Дило, қон бўл — уларга ушбу маъқул.
Бирор куфр-у бирор динга харидор,
Бирорга — бол, бирорга оғу маъқул.

86

Агар йўлбарсу шерсан — бўлма минг зўр,
Борар жойинг алал-охир қаро гўр.
Тананг гўр ичра тўкин суфра* бўлгай,
Тўкар атрофида қурту илон қўр.

* Суфра — дастурхон.

87

Агарда бўлса қийма-қийма жоним,
Агар оташда ёнса устухоним,

Агар тирноқ тагига тиқсалар туз,
Дил узмасман ўзингдан, меҳрибоним!

88

Агарда тож бошингда — оқибат ҳеч!
Агарда таҳт қошингда — оқибат ҳеч!
Сулаймон мулки бўлса-да насибинг,
Ажал гар ёнбошингда — оқибат ҳеч!

89

Қуёш юзинг қуёшидан ибода,
Қошинг қошида ой мадху санода.
Шаҳар, сахрою тоғда кимни кўрмай,
Дилида меҳринг-у, тили дуода.

90

Агар бу сўзни билмаслар — на хуш бу,
На ёзолса, на ўқий олса, ёху!
Биёбонга тутиб юз мисли Мажнун,
Бу тоғларга чиқиб, боқсинлар оху.

91

Тилайманки, саъи ёр айласа дил,
Бу бахтимга куйиб, зор айласа дил.
Кезиб эл мен каби изламасанг ёр,
Жону дилдан сени ёр айласа дил.

92

Қаро туну биёбонпарвар ўлса,
Бу сахро хору хасга кишвар* ўлса;
Юки оз кишининг бўлгай иши соз,
Бу йўлда гар зулумот раҳбар ўлса.

* Кишвар — мамлакат, ўлка, вилоят, иклим.

93

Жаҳоннинг бор ғами бизга раводир,
Бу дардимизга роҳат кимиёдир*.
Етар дардига дармон ҳар кишининг,
Дилимиз дардига дармон балодир*.

* Кимиё (кимё) — бу ерда: нодир, ноёб.

* Бало — офат, мусибат. Сўфийлар ақидасига кўра Худо севган бандасига бало юборади, ўз навбатида, бало инсошга Худога яқинлаштиради.

94

Улуғлар қабридан унмас сира гул,
Агар унса-да, сочмас рангу ҳид ул.
Беобрўйлигу бадномликдан ўзга
Ўзи ўсган гиёҳ бермайди ҳосил.

95

Бу тоғларнинг ҳавоси мангу эрмас!
Бу боғларнинг сафоси мангу эрмас!
Кезарман элма-элу бонг уарман:
Гўзалларнинг вафоси мангу эрмас!

96

Агар номеҳрибоним меҳрибондир,
Не боис кўзларимдан кон равондир?
Агар дилбар менинг дилдорим ўлса,
Нега жисмимда на дил бор, на жондир?

97

Дилимни ғам ўзига хона тутмиш,
Бойқушдек вайронни ошёна тутмиш.
Фалак мискин дилига ўхшагайдир,
Бу ғам сийнасини сархона* тутмиш.

* Сархона — чилимнинг тамаки солиб тутатиладиган қисми.

98

Менингдек бу фалак бечора бўлсин!
Ботиб дил қонига қоп-қора бўлсин!
Агар кўрса мени бир лаҳза беғам,
Бу ғамнинг дастидан оввора бўлсин!

99

Фаминг дастида дил зеру забардир*,
Жигар қони кўзимда сарбасардир*.
Кишиким, ёри нозанин агардир,
Куйиб жони, дили тўла кадардир*.

* Зеру забар — остин-устун; нотинч.

* Сарбасар — бошдан-оёқ, бутунлай.

* Кадар — мунг, маҳзунлик, хафалик, ғашлик.

100

Нима дей, неки десам — сенга маълум,
Фигоним кўп ёки кам — сенга маълум.
Агар топсам кириб дарёга гавҳар,
Ҳар ул гавҳарки кўрсан — сенга маълум.

101

Бу нозик дилни бир шиша билурман,
Агар ох чексам, андиша қилурман.
Ажаб йўқ кўзларимдан қонлар оқса,
Жигарда отмиш ул реша — билурман.

102

Бу ял-ял лолазорни бил ғанимат!
Бу фасли навбаҳорни бил ғанимат!
Жаҳон неъмати ёр васлига етмас,
Висоли нозли ёрни бил ғанимат!

103

Мисоли шер эдим — қўрқув бегона,
Ажал қасд айлади ногоҳ бу жона.
Енгиб даҳшатли шерларни, турибман —
Ўлимга топмайин чора, баҳона.

104

Сенга ҳар ким яқин бўлса — зулмдир,
Узоқликдан қўзида ёши лимдир.
Агар бир бора кипригингни кўрсам,
Юрак-бағрим тилим узра тилимдир.

105

Мени девонаю шайдо қилибсан,
Мени саргаштаю расво қилибсан.
Билолмайман, дилим қайдан топар жой,
Биларман унга Ўзинг жо(й) қилибсан.

106

Кел, эй дилдор, юзинг боғу баҳорим,
Сенинг ёдинг узун тунларда ёrim.
Худо билгай — бу ўткинчи жаҳонда
Йўқ ишқингдан бўлак ҳеч кору борим*.

* Кору бор — ишлар, машғулликлар.

107

Кел, эй жононки, дийдоринг кўрай мен,
Юзингдан гулу сунбулни сўрай мен.
Шу эрди иштиёғим ою йиллар:
Бирор лахза ёнингда ўлтирай мен.

108

Сенингсиз мисли гулхан ушбу гулшан,
Вужудим ишқ ўтига айла маскан.
Суяқ ҳам ёнсин унда — мен-да бир шамъ,
Бу шамъга бер ривож ишқ ўти бирлан.

109

Бу оввора бошим сомонни* билмас,
Бу қон бўлган дилим дармонни билмас.
Ўшал кофирга кўнглимни берибман,
Бўлак мазҳабга дил иймонни билмас.

* Сомон — имконият, илож, ёрдам, кўмак.

110

Азизлар, айрилиқнинг дарди душвор,
Кўзимда қолмади нур-шуъла зинҳор.
На бор дўст тўккали дардим, на қамдам,
Гаму дард доғига бўлгач гирифтор.

111

Дили шодлар дили зордан хабарсиз,
Соф инсон дарди bemордан хабарсиз.
Йўқ айбинг бунда қеч — асли-азал шу:
Ким эркиндинг — гирифтordan хабарсиз.

112

Мусалсал* сочининг қар тобида макр,
Хумор, маст кўзлари пурхобидаб макр.
Бу қулдан айрилишни истамассан,
Ва лекин бу замон шитобида макр.

* Мусалсал - ҳалқа-ҳалқа, бир-бирига уланган.

* Пурхоб — серуйку; мажозан: нозли, карашмали.

113

Дилимда ёр юзининг иштиёғи,
Саросар* кўксим ичра ишқ доғи.
Кўриб мен лолаларни шод бўлурман,
Уларнинг қўксига ҳам шу доғ ўчоги.

* Саросар — бошдан-оёқ, у бошидан бу бошигача, ҳаммаси.

114

Дилимда сендан ўзга дилбарим йўқ,
Бу кўксим ичра ўзга гавқарим йўқ.
Менинг қўнглим куюқдир, меқринг — оташ,

Кел, эй, ўт олмагай ўт кўрмаган чўғ.

115

Фамингга мубталолар шоду хурсанд,
Оёғингга килиб бошларни пайванд.
Менинг кўнглимда минг ҳою ҳавас бор,
Улар кўнгли сенинг меҳринг билан банд.

116

Менинг ёримни қеч бир ёрлиги йўқ,
Фаму дардим кўриб, фамхорлиги йўқ.
Хабар келгай ёринг ноз уйкуда деб,
Бу не уйқудир — қеч бедорлиги йўқ?!

117

Ётар жойимни тунда бўстон этди,
Узид гулларни, уйқум вайрон этди.
Севишимни билиб гулларни боғбон,
Тиканларни уларга посбон этди.

118

Худо хоқламаган ишларни қилманг,
Қилиб, дунёни кўзга айламанг танг.
Қиёматда ўқилса нома токим,
Эшигданда бу номани уялманг.

119

Бирор дард-у, бирорвлар дармон истар,
Бирор васл-у, бирорвлар хижрон истар.
Буларнинг ичидаги менга ўшал хуш —
Уларнинг қай бирини жонон истар.

120

Менинг додимга ҳеч бир зот етолмас,
Хабар ҳолимдан ул ёрга этолмас.
Дилимдан бор гўзаллар бир бўлиб ҳам
Сенинг ёдингни ўғирлаб кетолмас.

121

Мен ул лочин — биларман хўб ёвимни,
Ниҳон тутгум тоғ ичра ўтовимни.
Учарман ўз қанотим бирла тоғда,
Тутарман ўз қўлим бирла овимни.

122

Дилим тор — тоби йўқ собир бўлишга,
Унинг дастидан розиман ўлишга.
Юзингдан шарм этиб, кирдим ҳижобга,
Қани йўл — сенга арзу ҳол қилишга?

123

Бекор қолсанг, мазорларни кезиб чиқ
Ва қил бою фақир ҳолини таҳқиқ;
На бой олмиш кафандан ортиғ-у, на
Фақир қолмиш кафансиз усти очик.

124

Дилим доим харидори муҳаббат,
Қизир ундан бу бозори муҳаббат.
Либос тикдим дилим қаддига мослаб,
Ипи — меҳнат унинг, тори — муҳаббат.

125

Сенингсиз бош агар қўйсам болишга,
Суяклар най каби киргай нолишга.
Ёш ўрнига ғамингда кўзларимдан
Олов учқунлари бошлар ёғишга.

126

Баҳор келганда ҳар шохда битар гул,
Урар боғларда бонг ошуфта булбул.
Биларман кезмасам-да баҳру барни:
Топилмас дилки, мендан-да куюк ул!

127

Қали куймай, қидирма дардга дармон,
Хали ўлмай, ўзингни этма гирён.
Куюк кўнглимни гул-лолага топшири,
Тоби йўқ, қилма ғам ўқига қалқон.

128

Фалак, билмасмисанким, мустамандман*,
Менга жабр этма кўп — мен кони дардман.
Кўярарсан айланиб бир доирада,
Бу гардишга бир ипдек мен-да бандман.

* Мустаманд — хаста, нотавон, мухтоҷ, хожатманд.

129

Халос айла мени хаста қўнгилдан,
Касал бокиш сира келмайди қўлдан.
Нега лаъли лабинг қонимга ташна,
Ўзи соқий-ку, не истар бу кулдан?

130

Мени деб бағритош бу зебо қуймас,
Ажабмас, ўт аро тош асло қуймас.
Куярман ўт туташгунча дилишта,
Ёғоч хўл бўлса, ўтда танҳо қуймас.

131

Дилим дастингда кўп нолону нолон,
Эзилмиш бағрим-у, бўлмиш жигар қон.
Менга сен неча минглаб ваъда бердинг,
Бу ваъдаларга йўқдир ҳадду поён.

132

Сенингсиз талвасам бордир, келиб кўр,
Захар косамда бисёрдир, келиб кўр.
Ўзим — қон, йиғи — соқий, нола — мутриб*,
Шу уч дўст мен билан ёрдир, келиб кўр.

* Мутриб — чолғувчи ва қўшиқчи, муганий. Тасаввуфда орифлар дилини рамзлар кашфи-ю, ҳақиқатлар баёнига тўлдирадиган, файз етказувчи ва тарғиб қилувчиларни мутриб дейдилар. Раббоний оламдан огоҳ қилувчилар ва комил пирларга ҳам ишора килинади. Унинг қуи — маърифат, қўшиғи эса — ҳақиқат.

133

Дилимни ғам ўтида ёқса кошки,
Жонимда ишқ оловин чоқса кошки.
Гирех* солмай кафандарнинг ипига,
Гадою шоҳга бир хил боқса кошки.

* Гирех — тугун, чигил, мушкуллик, кийинчилик; соч ўрими.

134

Бу ишқ ўтини эт афзун, Худованд,
Бу дилни дардида эт зору дардманд.
Бу дардан бир нафас фориг ўтирсан,
Бу жоним айла парканду парканд*.

* Парканд-парканд — парча-парча, майда-майда.

135

Келиб ҳолимни бир кўргил, суманбар*,
Бирор тун васлишта айла муюссар.
Агар сен бошга гул тақсанг, урарман —

Құруқ панжамни бошга мен муқаррар.

* Суманбар — оқбадан, гүзәл маҳбуба.

136

Бу дил ҳоли нечук сендан узоқда?
Хабар йўллай бирор бўлса сўроқда.
Юзинг кўрсат этиб раҳм жон чиқар чоқ,
Ўлиб кетмай қилиб армон фироқда.

137

Кўзимга ёстиғим сенсиз илондир,
Бу қунлар тун каби тийра*, аёндир.
Агар гул сайрига чиқсан сенингсиз,
Гулистон бош-оёқ худди тикондир.

* Тийра — қора, коронғи, хира, нурсиз; қайғули, ғам-ғуссалы.

138

Баланд тоғ узра маъюс ўлтиарман,
Агар кўз очса лола, мен терарман.
Агар шу лолаки, билмас вафони,
Нечук бевафо ёр орзу қиласман?

139

Куюқ диллар, келинг, то оҳ урайлик,
Кел, эй парвона, ошно, оҳ урайлик,
У ёр хусн ичра танҳо, оҳ урайлик,
Мудом бизга бепарво, оҳ урайлик.

140

Фалак, маҳв айладинг охир асосим,
Бўяб бошдан-оёқ кўкка либосим.
Агар жонимни олмоқ истамассан,
Кўпорма ушбу оламдан асосим.

141

Аё, дўстлар, ажаб майхўр эрурман,
Ёридан айру, баҳти шўр эрурман.
Бу оташ мени қиздирмас, нечун, бас,
Ғаму меҳнат* дудидан кўр эрурман.

* Меҳнат — мусибат, бало; ғам, дард; машаққат, қийинчилик.

142

Илоҳо, душманинг хор, ҳаста бўлсин!
Учиб ўққа, ҳаёти шамъи сўлсин!
Агар кетсам сўраб ҳолини тунда,
Саҳар келсам, кўзи тупроққа тўлсин!

143

Дилим зор-у, дилим зор-у, дилим зор,
Табиб чорланг, даво топсин бу бемор.
Агар кўрса бу аҳволимни бир бор,
Табиб дардимга излар чора ночор.

144

На ҳар куйган кўнгил айлайди нола,
На ҳар ёқимли юз монанди лола.
Биларми куймаган куйганинг ҳолин?
Оловдан ҳеч қачон ёққанми жола?

145

Қоронғу туну тошлок йўлу мен — маст,
Қадаҳ тушди-ю қўлдан, синмади, бас.
Худойимнинг ўзи асрари, йўқса,
Ерга тушган қадаҳ синмасдан қолмас.

146

Дилим дилбар эса, дилбар қаёнда?
Бу дилбар дил эса, дил қайси ёнда?
Кўрарман дилбару дилни омухта,
Билолмам: дил қани? Дилбар қаёнда?

147

Ёнимдан кетдинг-у, тарқ этди дил ҳам,
Бошимда йўқ ўзингдан ўзга бир ғам.
Висолингдан бўлак икки жаҳонда
Умидим йўқ менинг, эй хусни олам!

148

Ғаму дардимни аттордан сўраб бил,
Тун таърифини бемордан сўраб бил.
Мудом ҳолим сўрар жумла халойик,
Севиклим, сен-да кел, бир бор сўраб бил!

149

Кўриб сўрдим тикан қўйнида гулни:
«Қачон васлига етказгай кўнгилни?»
Деди боғонки: «Маъзур тут бу қулни,

Берар дўстлик дарахти кеч ҳосилни».

150

Гули сунбул пойида сояпарвар,
Ниҳоли қомати бир нахли навбар*.
Ўшал сурий* санам ишқида тинмай
Чекарман андалибдек ўтлиғ оҳлар.

* Нахли навбар — янги мевага кирган дарахт.

* Сурий — Афғонистондаги қадимий эронийнасаб қавм.

151

Мен овчи қуш эдим — отландим овга,
Едим ўқ дуч келиб ёв қўйган говга.
Булоқлар бўйида ғофил яшама,
Ҳамиша ўқ бўлар ғофилга совға.

152

Менга тоғ лоласи ўзингсан, эркам,
Ариқ бўйидаги бинафша, гул ҳам.
Бу тоғлар лоласи бир ҳафталиқдир,
Бироқ сен бир умрлик ёру ҳамдам.

153

Келинг, куйган қўнгиллар, биз бўлиб бир,
Очиб дил, ўзаро сирлашсак арзир.
Ғамимиз ўлчайик олиб тарози:
Ғами кўп бўлса кимни — вазни оғир.

154

Мен ул қуйган қўнгил, чекмайми нола?
Эмас дардим енгил, чекмайми нола?
Гули ёнида-ю, булбул чекар ох,
Узокда бизни гул, чекмайми нола?

155

Мен Алванд этагида гуллар экдим,
Сув ўрнига қўзим ёшини тўқдим.
Улар гуллаб, хиди менга келар чоғ
Олиб кетди шамол... мен нола чекдим.

156

Агар келсанг, қувонч созин чаларман,
Агарда келмасанг, ғамда қоларман.
Кел, эй, қўнглимга солгил барча дардинг,

Чидарман, ё ёнарман, ё ўларман.

157

Яна тортиб этак кетдинг-ку, эркам,
Бу ишдан зарра афсус чекмадинг ҳам.
Тутай мен ҳам бирор дилбар этагин,
Ажабмас, ишларим ўнгланса кам-кам.

158

Кел, ўйлайлик ўзимизни бирор он,
Етиб бормас у ёрга оху афғон.
Бу бизнинг қайгуларга борми тобинг?
Беролмас бунга тоб Сому* Наримон*.

* Сом — Эрон ва Турон мамлакатларига ҳукмронлик қилган Нуҳ пайғамбарнинг ўғли; «Шоҳнома» қаҳрамони Рустамнинг бобоси.

* Наримон — пешдодий ҳукмдор Манучехрнинг лашкарбошиси. «Шоҳнома» қаҳрамонларидан бири.

159

Борай кимга — топилмас дўсту ошно?
Борай кимга — ғариблик ёри танҳо?
Келарман сенга гар қувса мени эл,
Борай кимга — агар сен қувсанг аммо?

160

Кўйингда тўқмадим ёш, эй дилоро,
Висолинг ваъдасин эшитмадим то.
Вафо тухмини эқдим дилга — бермас
Фаму хорлиқдан ўзга ҳосил аммо.

161

Мусулмонлар, дилимда уч ғамим бор:
Ғариблик ва асирик, дарди дилдор.
Ғариблик ва асирик иши осон,
Фақат дилдорни дарди менга душвор.

162

Мен — овчи қуш эрурман, қўкси — эгов,
Баланд тоғларда яшарман қилиб ов.
Эговда тезлашар одатда тифни,
Мен ул тиғман — Ҳақ ўзи қилмиш эгов.

163

Менинг ошиқ дилим соғлом эмасдир,
Насиҳат тингламоққа ром эмасдир.

Олиб кетмас агар елларга берсам,
Оловга ташласам, бадном эмасдир.

164

Фаминг муфт* бойлигу эхсондан авло,
Висолинг умри жовидондан* авло.
Кўйингнинг бир сиким тупроғи, рости,
Худо шоҳид, еру осмондан авло!

* Муфт — текин, бепул.

* Жовидон — абадий, доимий, мангу.

165

Кўзим тиксанг-да, сенга интиларман,
Таним ёқсанг-да, кўйингга келарман.
Агар боғимга элтсанг гул теришга,
Сенга ҳамрангу ҳамбўй гул тиларман.

166

Кел, эй, то бир нафас юзинг кўрай мен,
Юзингдан гулу сунбуллар терай мен.
Кел, эй, қошимда ўлтир ою йиллар,
Сени токи тўйиб-тўйиб кўрай мен!

167

Ўшал бехонумон* — мен ўзимман!
Ўшал бесару сомон* — мен ўзимман!
Узун тунларда зор күгучи кунни,
Куни тундай зимистон — мен ўзимман!

* Бехонумон — уй-жойсиз, сарсон-саргардон, бечора.

* Бесару сомон — баҳтсиз.

168

Сенинг жойинг гулистон, ёри жоним,
Менинг гулхан ёнида кул маконим.
Агар гулханми, гулшан ёки чўлда
Кўзим ўзгани кўрмас, меҳрибоним.

169

Узун тунлар санаб юлдуз ётарман,
Тун етса ярмига сени кутарман.
Ярим тундан кейин ҳам келмасанг гар,
Кўзимдан ёш дарёсини тўкарман...

170

Рубобимга икки зулфинг бўлар тор,
Не истайсан — ҳолим шундок ҳам абор.
Сенинг менга сира ёрлик жойинг йўқ,
Нега ҳар тун киарсан тушга, дилдор?

171

Қилайлик, кел, бу кўз ёшини Жайхун,
Бўлайлик иккимиз Лайлию Мажнун.
Фаридуни* азиз тарқ этди бизни,
Яратайлик, кел, эй, янги Фаридун!

* Фаридун (Афридун) — пешодийлар сулоласига мансуб олтинчи подшоҳ. У адолат рамзи ҳисобланади.

172

Жигарим эзди дард — оввора қилма,
Висолдан этма фард — оввора қилма.
Маломат қилма келмас деб кўйимга,
Келарман ранги зард — оввора қилма.

173

Нечуксан, дил? Нечун сен мунча маҳзун?
Мудом хунсан, мудом хунсан, мудом хун.
Гўзал Лайлининг ишқида ҳамиша
Юарсан мисли Мажнун, мисли Мажнун.

174

Юсуфдек гар мени судрашса зиндон,
Тўкиб ёш, айламасман нола-афюн.
Рақиб бўлса-да менга юзта боғбон,
Келарман ҳар қачон боғингга хандон.

175

Сахар гул қошига келганда булбул,
Кўзим ёши томар этакка гул-гул.
Бориб гул ёнига мен чексам афғон,
Тушар барча куюк дилларга ғул-ғул*.

* Ғул-ғул — ғулгула, шовқин-сурон, доврук.

176

Дилимдан ташқарида нола йўқдир,
Мижамдан ўзга ерда жола йўқдир.
Бирор тун йўқки, сени кўрмасам туш,
Менинг баҳтимга кўзда лола йўқдир.

177

Фалак, бедод этарсан нега ҳар дам?
Гулим-ку бўлмадинг, бўлма тикан ҳам.
Агар дардимни енгил қилмагайсан,
Яна дард устига дард айлама зам.

* Зам — қўшиш, жамлаш.

178

Туарман кўча бошида кутиб ёр,
Бўларман деб висолига саэвор.
Менинг куним агар бошишта тушса,
Биларсан бевафосан қанча, дилдор!

179

Магар шеру палангсан*, эй дил, эй дил,
Қиласан мен-ла жанг сан, эй дил, эй дил.
Агар топсам илож қонинг тўкардим,
Кўрадим қайси рангсан, эй дил, эй дил!

* Паланг — йўлбарс; қоплон.

180

Аё, дард, бир ўзинг келсанг, на бўлғай?
Кўнгилга ғамни оз солсанг, на бўлғай?
Бошим узра ҳабибми бу, табиб ё?
Улардан гар бири бўлсанг, на бўлғай?

181

Юзи узра мусалсал зулфлари бор,
Гулу сунбул қўшилган каби хуммор.
Қилиб зулфини(нг) ҳар торин паришон,
Осан ҳар бирига бир дилни дилдор.

182

Менингдек топмагунг бағри тилимни,
Чиқар ўт оҳидан оҳ урса кимни?
Мухаббат ўтида андоқ ёнарман,
Куйиб битсам-да қўрмайсан кулимни.

183

Аё, бу Исфаҳон, айтинг, не маъво?
Кимни дўст айласам, бўлди бевафо.
Шероздан ташқари чиқсан бутунлай,
Топарман ҳар бир манзилда юз ошно.

184

Менингдек кексани топмас халойик,
Менинг дардим эмас ҳеч дилга лойик.
Узун тунларда шамъдан* ўзга ёр йўқ,
Бу куйган дилга куйган дил мувофиқ.

* Шамъ — солик дилини куйдирадиган илохий нур. Шухуд соҳибининг дилини ёндириб, уни мунаввар ққладиган ирфон нурига ҳам ишора.

185

Жаҳонда неча минглаб лолаки* бор,
Йиғиб менга беришса, ушбу душвор.
Тиларман лолани хушбӯю хушрӯй,
Жамики лоладан бўлсин у дилдор.

* Лола — мушоҳада килинадиган маърифатнинг натижаси. Бечора ошиқнинг бағрини тиладиган маҳбубанинг кизил юзига ҳам ишора қилинади.

186

Қуёшдек оразинг бўлсин чароюн,
Бу ишқинг ўти бағрим айласин қон.
Биларсанми, нега ҳолинг қародир?
Қуёшга ким яқин — қуягай беармон.

187

Сира мардликни этмас пеша* номард,
Сира чекмас фигону нола бедард.
Ҳакиқат сўзини айтар Фаридун:
Шуъла сочмас агар тандир эса сард!

* Пеша — иш, амал; хунар, одат.

188

Юзинг бўлсин қуёшдан-да чарогон,
Кўйингда қийма-қийма бу куюқ жон.
Қаро ҳолинг ёқар бағримни чўғдек,
Шу чўғ мендан куюкроқ бўлсин, эй жон!

189

Бу юзларни ҳаёдан қопламиш тер,
Бу киприк ўқлари тўла заҳардир.
Занаҳдон* ҷоҳига Ҳорут* дилини
Осувчи ёрдаги сехр-жодулардир.

* Занаҳдон — ияқ, кулгич.

190

Юзинг меҳри дилимдан кетмагай ҳеч,
Авом бу ишқни англаб етмагай ҳеч.
Чин ошиқ бу муҳаббат оташини
Халойиқ ичра доeton этмагай ҳеч.

191

Агар билсанг, ғамимга айла чора:
Дўнарми кунга тунлар бора-бора?
Гаҳи дерман: сира отармикан тонг?
Гаҳи дерманки: тонг отмаса зора...

* Ҳорут — фаришта. У Морут исмли фаришта билан бирга аёлга ошиқ бўлганлиги учун Худо ғазабига учраб, Бобуддаги ҷоҳга ташланган. Кимки сехру жодудан сабоқ олмоқчи бўлиб, ҷоҳ қошига борса, Ҳорут унга сеҳргарлик илмини ўргатади.

192

Кеча-кундуз юрар жойим хиёбон,
Кеча-кундуз қўзимнинг ёши тўфон.
На оғрир бир еrim, на бор иситмам,
Кеча-кундуз нега мен зору нолон?

193

Аё, дилбар, дилу жоним ўзингсан,
Бутун пайдою пинҳоним ўзингсан.
Билолмайман: бу дардим боиси ким?
Биларман аммо дармоним ўзингсан.

194

Сочингнинг ҳидига мафтунман, эй гул,
Юзингнинг ҳажрида дилхунман, эй гул.
Сенинг ишқингда мен зор-бекарорман,
Сен мисли Лайли, мен — Мажнууман, эй гул!

195

Бу кўзлар май тўла икки пиёла,
Бу соchlар Рай хирожи bemalol-a.
Бугун-эрта дея ваъда берарсан,
Бўлар эртанг қачон, эй юзи лола?

196

Мен ул шамъманки, тўккан ёши қайноқ,
Тўкар ёш шундайин ким чекса қийноқ.
Куйиб тун бўйи, ийғларман бутун кун,
Туним шундоқ ўтар, кунлар-да шундоқ!

197

Боғу роғлар тарафда лола ўсгай,
Бу киприкларни қонли жола тўсгай.
Хуросонга агар йўл олса карвон,
Дилимни орзуюй Бангола босгай...

198

Фариблик мени қаттиқ дилгир этди,
Фалак бўйнимга ғамдан занжир этди.
Фалақ, бўйнимдан ол бу занжирингни,
Фариблик шундоғам кўп таъсир этди...

199

Дилим сенсиз ҳамиша бекарордир,
Менга озор бериш сенга шиордир.
Бошимга муштлагум бадхулқ боладек,
Фирокингда менга шу ихтиёрдир.

200

Балонинг рамзидир бу қадди зебо,
Жунуннинг манбаи бу дарду савдо.
Агар расмингни чизсам — бор гумоним:
Қиларман туну кун пинҳон тамошо.

201

Дилим бир қушга ўхшар — бепару бол,
Ва ё қумда ўтирган кема, алҳол.
Синик соз ҳеч садо бермас, нечун, бас,
Дегайлар, Тоҳиро, қўлингга соз ол!

202

Муқарраблар сени ҳар тун кўрарлар,
Ёнингда ўлтириб, сухбат қуарлар.
Ўзим кўролмасам-да, кўрсам эрди
У зотларни — сени ҳар тун кўрарлар.

203

Башар кўрганми сендеқ дилрабони?
Сенингдек кўнгли қаттиқ бевафони?
Муҳаббат расмини кўргузиб аввал,
Кейин қиздирдинг бозори жафони.

204

Сенинг дардингда йўқ кунлар қарорим,
Қаритгай кечаларни оҳу зорим.

Куяр ҳолимга ҳар дўсту бегона,
Факат сен бехабар, бепарво ёrim!

205

Ўшал дилбарни(нг) қўзи масти бордир,
Менингдек минг ошиққа қасди бордир.
Ошиқлар ўртасида ул санамнинг
Бу шеъримдек баланду пасти бордир.

206

Ошиқ кўнглига бир пайгом етарли,
Хуморолудага* бир жом етарли.
Менга кўзингнинг* сархушлиги басдир,
Қаноатгарга бир бодом3 етарли.

* Хуморолуда — хуморли, маст.

* Кўз — тасаввуфда комил инсон тимсоли.

* Бодом — бу ерда: маҳбубанинг бодом шаклидаги кўзига ишора.

207

Бошимда сочининг* савдоси бордир,
Дилимга юзининг* севгиси ёрдир.
Агар майл этса янги ойга кўзим,
Билинг, қайрилма қошларга* хумордир*.

* Соч — тасаввуф шеъриятида моддий дунё тимсоли бўлиб келади. Унинг узунлиги — дунёвий ҳою ҳавасларнинг чекчегарасизлиги, Қалинлиги — тирикчилик ташвишларининг сон-саноқсизлигига, ҳалқалиги — нафс бандалари кўлглини овлаш учун тузоққа ўхшатилади ва ҳ.к.

* Юз — илохиёт жамоли тимсоли ва комил инсон чехраси.

* Қош — илохий ва моддий олам чегараси. Пайвасталиги — Оллоҳ ва оламнинг ягоналиги, қайрилмалиги — сўфий дилидаги нафс ва кибрни, узун ва қалинлиги — ҳақ йўлининг узун ва мураккаблигини билдиради.

* Хумор — саргардон ошиқ.

208

Бу жонимга солиб ўт, сочи сунбул,
Вужудим айламишсан бир ҳовуч кул.
Кесишса дилдаги ишқинг ниҳолин,
Чиқаргай ҳар тарафга шохларин ул.

209

Менингдек бекарор парвона йўқдир,
Жаҳонда мен каби девона йўқдир.
Қама муру малахнинг* бор макони,
Менга ҳаттоқи бир вайрона йўқдир.

* Мўру малах — курту қумурска, ҳашаротлар, чумоли ва чигиртка.

210

Гўзаллар кўп агарчи бу жаҳонда,
Менинг кўнглим ҳамиша сен томонда.
Боғингда мен каби булбулларинг кўп,
Шу боис йўқ бу қул ҳисобу сонда.

211

Муҳаббат ўти қудратли, буюkdir,
Бу ўт ичра юрак-бағрим куюkdir.
Оёқ қўйса итинг дийдамга, эй дўст,
Унинг оёғи гарди ҳам суюkdir.

212

Ватанни ёд этарканман мени зор,
Кўзимнинг ёши бўлгай мисли анҳор.
Бу бадбахт қўрқадирман ўчмасин деб,
Фариблиқда ҳаётим шамъи зинҳор.

213

Кишида қанча қўпdir молу бойлиқ,
Бўлар дунёга кўнгли шунча боғлиқ.
Агар бошида Хусрав тожи бўлса,
Ширин бағри шу тож ҳажмича доғлик...

214

Йўлим тушди сахар мозор томонга,
Тўлиб кетмиш мозор оҳу фиүонга.
Қилар тупроққа арз бир бош суяги:
«Бу дунё арзимас парча сомонга!»

215

Муҳаббат дастидан ҳолим забунdir,
Мудом тош — ёстиғим, тўшак — заминdir.
Шу ёлғиз таскиним: сени севарман,
Сени севганнинг аҳволи қийинdir.

216

Юзингнинг нуридан олам чароғон,
Қара, ҳар заррада меҳринг намоён.
Фалакнинг шуъласи шундай ҳамиша:
Умид кўзлари ҳар ерда ниғорон.

217

На хуш, гар икки дил бир дард-ла оғрир,
Гар оғрир битта дил — ушбу дард оғир.
Агар Мажнуннинг кўнгли доғли бўлса,

Лайлининг күнгли ундан доғлироқдир.

218

Гүзал ёр қайғуси ичу тошимда,
Ёкимли сўзи тож бўлсин бопшмда.
Агар бахш этса Шероз мулкини шоҳ,
Нетарман бўлмаса дилбар қошимда?!

219

Кел, эй, ушбу жаҳондан қўл ювайлик,
Кел, эй, тупроқ уйидан дил узайлик;
Кел, эй, то экиб эзгулик уруғин,
Кел, эй, сабр итгиғоқини тузайлик.

220

Танибманки эсимни, дод этурман!
Ғамида нолаю фарёд этурман!
Сира шод бўлганимни эсламайман,
Ҳамиша хотири ношод эрурман.

221

Пешонам шўридан андиша қилдим,
Ғаминг захрини дилга тўша* қилдим.
Фалак қажрав* ҳамиша, толеим терс,
Шу боис оҳу зорни пеша қилдим.

* Тўша — озиқ-овқат, йўл озиғи.

* Қажрав — эгри юрувчи, тескари айланувчи; маккор, ҳийлагар.

222

Ўзингдан ўзга йўқдир менда бир ёр,
Ишим йўқдир рақиблар бирла зшгхор.
Дўконингда касод менинг матойим,
Эмасман асли бозорга сазовор.

223

Хуш ул соат — эшиқдан кирса дилбар,
Битар ҳижрон, кетар қайғу муқаррар.
Тўлиб шавқقا* қувай жонни дилимдан,
Эгалласин унинг ўрнини дилбар!

* Шавқ — Ҳақ ва солик ўртасидаги яқинликнинг кучайиши, иштиёқ ва истак ғалаботидан қалбнинг сурурга тўлиши.

224

Бу гулшан, бўлмасанг сен, мисли зиндан,

Гулистон ҳам мисоли оташистон.
Сенингсиз умру орому тириклик
Паришон үйқуга ўхшайди, жонон!

225

Тутай парвонадек ўт ичра маскан,
Бу гулхан сен билан кўзимга гулшан.
Гулимсан, гулбунимсан*, гулшанимсан,
Сенинг бирла топар жон ҳар ўлик тан.

* Гулбун — гул, гул туши.

226

Бошим — ёстиқ, таним — тўшақдан айро,
Фамингдан ўзга йўқ бошимда савдо.
Кўяр ёстиққа бош сендан узоқ ким,
Бошин кўттармасин ёстиқдан асло!

227

Менинг ҳолим хароб, билмоқчи бўлсанг,
Юрак-бағрим кабоб, билмоқчи бўлсанг.
Кечиб мендан, топибсан янги ёр, бас,
Маҳшарда бор ҳисоб, билмоқчи бўлсанг.

228

Аё, эй моҳлиқо ёр, қайдадирсан?
Кўзлари сурмасо* ёр, қайдадирсан?
Улар дам бир нафас бағримга кирсанг,
Деб эрдим, дилрабо ёр, қайдадирсан?

* Сурмасо — сурма тортилган, сурмали.

229

Мен ул шоҳман — таланган йўғу бори,
Мен ул вайрон — олинган ганжи, оре.
Қариликдан урарман оҳ бу даштда,
Ки ёшлиқ ўтди, қолмади ғубори.

230

Чиқарса хар дарахт девораро бош,
Узатар мевасига қўл қари-ёш.
Агар мева эмас, берса-да гавҳар,
Уни илдизидан қўпоргали шош...

231

Бошимда йўқ ғамингдан ўзга савдо,
Висолингдан бўлак дилда таманно.
Бу ишқ бозорида, билгай Худойим,
Шулардан ўзга ҳеч нарсам йўқ асло.

232

Мен ул бечораю мискин, дили кам,
Мен ул боши кесилган бир куюк шам.
На дунёни дедим, на охиратни,
Мен ул белолаю бесабза кўклам.

233

Юзингга янги ой деб лол қарашар,
Юришинг сарви қаддишта ярашар.
Дилимда биргина ишқинг хаёли,
Сени деб ошиғинг дунёда яшар.

234

Ўриб дил даштидан мотам гулини,
Териб жон гулшанидан ғам гулини,
Бироқ бу боғ аро ҳеч кўрмагайсан
Умидсизликни(нг) боши хам гулини.

235

Дилим дилбар домига мубталодир,
Фироги ҳам, висоли ҳам балодир.
Бу вайронада кимни кўрма дилхун,
Булар дилми ё дашти Карбалодир?

236

Чекарман туну кун кўйингда нола,
Кўзимнинг ёшлари мисли шалола.
Тикан ўсгай, мени бечора ҳарчанд
Висолинг боғида эксам-да лола.

237

Қани кўз ёшим уммон бўлмаган тун?
Қани бир жигарим қон бўлмаган кун?
Сўзу нола билан ўтмоқда умрим,
Холимдан бехабарсан, қадди мавзун.

238

Худоё, бу дилим бошга балодир,
Гуноҳни кўз қилиб, дил мубталодир.
Агар қўзлар кўриб лол бўлмаганда,

Гүзаллар ишқи қайдан дилга жодир?

239

Хаёлингдан бўлолмам лахза фориг,
Фироқиша гирифтор этма ортиқ.
Мени қоп-қора рангта айладинг ғарқ,
Қародан ҳам юқори ўзга ранг йўқ.

240

Бу саҳроми ё қалби оташинми?
Унинг қонини ичгувчи заминми?
Бу ё мискин кўнгиллар кишварими?
Бу ё саҳрои ишқи нозанинми?

241

Сени деб ғам ейишни қилдим одат,
Сенга, эй бевафо, маълум бу ҳолат.
Сенга, кел, топширай куйган дилимни,
Биларсан дилни сен, дил сени албат.

242

Вужудим чулғамиш дардинг саросар,
Дилим доим гулу боғингни истар.
Очай кўнглимни кезиб лолазорда,
Уларда ҳам сенинг доғинг мукаррар.

243

Кўнгил қўйгай ҳамиша мотамингдан,
Кутулмоқ йўқ сира дарду ғамингдан.
Нега ҳам, деб, қадинг мендан сўрама,
Қадимнинг хамлиги печу хамингдан*.

* Печу ҳам — эгилган, буралган; мажозан: ранжу азоб.

244

Ғамингдан тан аро жонимда минг тоб,
Гаров қўйдим бошимни тифга, маҳтоб.
Кийиб-ёнишда гар йўқ ихтиёrim,
Бу савдоларга бермайди дилим тоб.

245

Қаерда манзилинг, эй ёри дилҳоҳ?
Бу манзилдан қулингни айла огоҳ.
Сеники ҳамма жой, мен — кўри ботин*,
Хато қилдим, хато, астағфуруллоҳ.

* Кўри ботин — қалби сўкир.

246

Дилимни бирён этсанг — ихтиёргинг,
Кўзимни гирён этсанг — ихтиёргинг.
Агар Алванду Майманд тоғларига
Бошимни майдон этсанг — ихтиёргинг.

247

Келақол, келки, жононим ўзингсан,
Келақол, келки, султоним ўзингсан.
Ўзингдан ўзгани ёrim демасман,
Келақол, келки, иймоним ўзингсан.

248

Бирор коримга бу кўнгил ярамас,
Унинг ҳосили ғамдан ўзга эмас.
Бўлар гул мавсумида савдо қизғин,
Бу дил ҳеч нарсага аммо қарамас.

249

Узоққа тушдиму ёру диёрдан,
Маломат — ёrim, иш келмас барордан.
Билолмам, қасди жон қилдимми ноҳак?
Иложим йўқ бўлак сабру қарордан.

250

Бўлиб бағрим адо келиб кетурман,
Висолингдан жудо келиб кетурман.
Кўйига келмадинг, деб қилма таъна,
Ахир, худди гадо келиб кетурман.

251

Улуғлайлик каримлар ҳимматини,
Қилайлик рад лаимлар* хизматини.
Карам бирлан каримлар қўли доим
Мурувватта этар эш давлатини.

* Лайм — хасис, паст, нокас.

252

Баҳорим бехазон сен бирла, жонон,
Фамим йўқ, қолса гулсиз боғу бўстон.
Кел, эй ошиқ кўнгил, додимга етгил,

Дилим сен бирла ҳар доим нурафшон.

253

Күчангга, дилрабо, токай келурман?
Тилаб сендан вафо, токай келурман?
Худодан құрқасанг, айтгил, сени деб
Күчангга мен гадо токай келурман?

254

Ҳамиша ғам юқидан қоматим хам,
Жақонда мен каби ҳасратзада кам.
Сира ғам дастидан бўлмадим озод,
Бу толесиз дилим мисли кўҳи ғам.

255

Туним қора, куним ундан батардир,
Ҳам иқболим гули зеру забардир.
Юрагимга қадалди киприк ўқи,
Ки захми нафъли, наинки заардир.

256

Дилим зору ҳазин — чекмайми нола?
Вужудим оташин — чекмайми нола?
Нечун нола қилурсан мунча, дерлар,
Ажал бўлса яқин — чекмайми нола?

257

Худоё, сўйла, ким бирлан бўлай мен?
Заифман, бўйла, ким бирлан бўлай мен?
Эшигингда, қабул қилгайми, рад деб,
Турибман ўйла: ким бирлан бўлай мен?

258

Олиб бода, қилай сайри гулистон:
Ҳаммаёқ — майсазор, сувлар — фаровон.
Ичай бир-икки жом май шодлигимдан,
Бўлай маст-у, борай ёнингга, жонон.

259

Каримдир у — макони ломакондир*,
Гўзаллар юзига у баҳш этар нур.
Кеча-қундуз эл аҳволидан огох,
Ҳаманинг ризқини қилгувчи маъмур.

* Бекарон — беҳад, бепоён, беинтиҳо, бесоҳил, жуда кенг.

260

Хақиқат шуки, бир оворадирсан,
Бир ерда айланар бечорадирсан.
Менинг юзимга ёпдинг барча йүлни,
Аён бўлдики, кўнгли қорадирсан.

261

Сенга лойик эмасдирман, бу — равшан,
Бироқ бордирман ушшоқ сафида ман.
Юрак минг карра қонга ботса ҳам кам —
Сенга, зотанки, баҳри бекаронсан*.

* Бекарон — бехад, бепоён, беинтиҳо, бесоҳил, жуда кенг.

262

Жигар қони-ла дил тўлган ҳамиша,
Кўзим ёшли-ю, маҳзун тан ҳамиша.
Келарми, деб бирор кун мен томонга,
Тутибман йўлида маскан ҳамиша.

263

Агар тунда эшикдан кирса қумрим,
Гўё ортига қайтар ўтган умрим.
Кўзим тошта қадар бўлгай йўлида
Эшикдан чиқишини пойлаб ҳар зум...

264

Оҳимдан қоплар ўт етти фалакни,
Овоз дил қонидан бергай даракни.
Дили ғам ўтида ҳеч куймаганлар
Биларми ҳолини куйган юракни?

265

Бу ғамдан баҳравар дил хурраму шод,
Бу ғамдан бехабар дил дастидан дод!
Бу ишқ бозорининг ганжинасидан
Бу ғамдан куйган ҳар дил бўлгай обод!

266

Куним тундан, туним кундан батардир,
Хатини* севди ким зеру забардир.
Фироқингда куярман кеча-кундуз,
Факирларнинг фиуони беасардир.

* Хат(т) — янги чиқкан туклар; соч, зулф.

267

Азизлар, биз гирифтори ўшал дард,
Биримиз нотавон-у, ўзгамиз — фард.
Висолингни насиб этмади қисмат,
Юзингни кўрмай энди бўлгамиз гард.

268

Менинг бахтим шуким: тоғлар ватандир,
Кезиб чиқдим жаҳон — ҳар ёқ чамандир.
На уй-жойим бор-у, на молу давлат,
Ўлар бўлсам пару болим кафандир.

269

Мисоли най танимда банд уза банд,
Фироқ ўти мудом жонимга пайванд.
Худо билгай: қачон бўлгай қиёмат,
Қиёматга қадар тинмас бу дардманд.

270

Эрурсан гар кўйида зор, ема ғам!
Сени гар айласа ҳам хор, ема ғам!
Яримта дил билан қўрқмам бирордан,
Икки оламча кўнглинг бор, ема ғам!

271

Кўзим ёш тўккали мойил сенингсиз,
Ҳаётим нахли* бехосил сенингсиз.
Бирор хилватда тун-кун манзил айлаб,
Ўлимга бўлгамен восил сенингсиз.

* Нахл — кўчкат, ниҳол, ёш дараҳт.

272

Сенингсиз битмасин бўстонда бир гул,
Агар битса, севиб-севилмасин ул.
Сенингсиз кулгуга ким очса лабни,
Юзига тегмасин дил қони бутқул.

273

Бу дашт ичра бир инсон зору нолон,
Экарди лола кўзидан тўкиб қон.
«Бирор нафъ борми бу дехқончиликдан?
Ҳай, аттанг!» — деб бошин чайқарди ҳар он.

274

Мен ул маст — менга бош, оёқ баробар,
Менга бош ҳам, оёқ ҳамдир шу дилбар.
Дилором деб берувчи дилга ором,
Билурман сени, эй соқийи кавсар!*

* Соқийи кавсар — Ҳазрат Али. Унга жаннатдаги Кавсар Ҳовузининг сокийлиги марҳамат қилинган. Қиёматда у одамларга оби кавсар улашади.

275

Мен ул озурдаи бехонумонман,
Мен ул меҳнатзада, ғамзада жонман.
Мен ул саргаштаман — сахрода сарсон,
Не ел эssa, унга мен илк нишонман.

276

Чин ошиқ айламас фарқ жисму жонни,
Жонондан жонни-ю, жондан жононни.
Бўлиб ёр дарди бирлан ою йиллар,
Ўзининг дардига билмас дармонни.

277

На хуш, ким фарқламас бошдан оёқни,
Ўт ичра гул билан қуруқ бутоқни.
У черков, Каъба ё ошиқ вужуди,
Сенингсиз эслатар ўтсиз ўчоқни.

278

Бу банда бесару сомон яралдим,
Паришонманки, паришон яралдим.
Паришонхотирлар тупроққа кетди,
Улар тупроғидан бу жон яралдим.

279

Мудом ёш кўзда, қайғу — дил либоси,
Жигарнинг қонидан айшим асоси.
Бироннинг ишқида ўртанмаганга
Эмас маълум ошиқ дил муддаоси.

280

Дилим бир андалиби хушнаводир,
Саҳарларда қилиб нола адодир.
Қўниб гул шохига булбул аzonда
Фигон айлаб дегай: гул бевафодир!

281

Қанийди кўзларим дардингни олса,
Агар кўзларингга дард соя солса.
Топибсан ўзга ёр — кошки бу гапга
Кулоғим кар, кўзим кўр бўла қолса!

282

Агар ҳижрон аро қолсам, дилафрўз,
Менга фарқсиз бўлур кечаю кундуз.
Агар васлинг менга бўлса мұяссар,
Бўлар ҳар бир куним гўёки Наврўз!

283

Токай кўйинг аро мен зору нолон?
Токай ҳолимни қилгайсан паришон?
Олиш ўрнига ғам юкини мендан,
Токай юк узра юк кўйгайсан, эй жон?

284

Қаридим, энди ёшлиқ қайда — ёвкур,
Вужудим айламиш тарқ қуввату қўр.
Дегайлар менга: чик, гул-лолалар тер,
Теролмайман — кўзимда қолмаган нур.

285

Бу дилу дийдадан минг оху фарёд!
Нимани дийда кўрса, дил қиласр ёд.
Ясад бир учлари ўткир пичоқни,
Урай дийдамга то дил бўлсин озод.

286

Юрарман йигланбон ҳар кўча-йўлда,
Бўлар пайдо ариклар ўнгу сўлда.
Қилиб бечора васлинг боғин орзу
Гул экзам-да, тикан ўсгай бу чўлда.

287

Бу ишқ дарди биёбонпарвар этди,
Висол орзуси беболу пар этди.
Менга дерсанки, сабру тоқат айла,
Ҳолимни сабру тоқат баттар этди.

288

Бошим — тўпу бу дунё мисли зиндон,
Кўнгилни этмагай тарк аҳду паймон.
Агар давронки, номардларга қолса,
Кутарман келгунича ўзга даврон.

289

Қаю зотларки, сенга ҳамнишиндир,
Ҳамиша қўнгли шод, бағри бутундир.
Азал ишқбозлигу ишқ одати шу:
Висол бахти диловарлар* учундир!

* Диловар — ботир, қаҳрамон, қўрқмас.

290

Хаёлимда на савдо бор-у, на суд*,
На соғлиқ, на тириклиқдан тараддуд.
Нетай дарё лаби, чашма бўйини,
Кўзимнинг ҳар бири минг битта Зандруд*.

* Суд — фойда, бахра, наф.

* Зандруд — Исфаҳондаги дарё.

291

Бузар тун тинчини қашқир овози,
Қошимга кел қаро зулфингни ёзиб.
Лабингнинг учидан бир бўса бергил,
Дегил: қилдим Худо қулини рози.

292

Ўзим чекдим бу гулнинг бор азобин,
Кўйиб ўрнига барча обу тобин*.
Худо даргоҳида мумкинмикан ҳеч:
Бирор олса гулимнинг гар гулобин?!

* Обу тоб — тобланиш, яшнаш; тозалик.

293

Хароб этдинг-ку, эй чарх, турмушимни,
Қучоғимдан учирдинг баҳт қушимни.
Мени нард тахтасига ўтқазиб сен,
Бешу олти билан қилдинг ишимни.

294

Лаби — шаккар, бадан — нукрага ўхшар,
Кўзим — дарё, вужуд — оташ муқаррар.
Киришга қўрқар у бағримга шундан:
Эрир оташда — нукра, сувда — шаккар.

295

Фалакда бор на бир дўст-у, на бир жуфт,
Мудом қон тўкса-да, демас сира уф.
Унинг шевасию иши фақат шу:
Қаерда бир чироқ кўрса, қиласар пуф.

296

Мени чулғар хаёлинг ҳар тун, эй ёр,
Хаёли хатгу холинг ҳар тун, эй ёр.
Қилай кўз уйига киприкни девор,
Кўрай деб то жамолинг ҳар тун, эй ёр.

297

Кел, эй, кўнглимда васлинг шамъини ёқ,
Арит хижрону дарду ғамни мутлок.
Ўшал қайрилма қошингга қасамким,
Бўлибман ғамга жуфт, сендан эсам ток!

298

Ғами ишқинг на ҳар муштоққа тушгай,
Хумо акси на ҳар тупроққа тушгай.
Сарафролар топар ишқинг аро ком —
Қуёш шуъласи аввал тоққа тушгай.

299

Гўзаллар жабридан бағрим жароҳат,
Бу лола ҳасрати кўнглимда қат-қат.
Ўқишиша номахонлар нома ул кун,
Эгиб бошимни, чеккайман хижолат.

300

Баҳор келди боғу сахрою тоққа,
Баҳордек ёшлигим кетди қаёққа?
Йигитлар қабридан гул-лола унгай,
Гўзаллар сайр этиб келса бу ёққа.

301

Дилим қайси санам девонасидир?
Бу саргардонни қайда хонасидир?
Билолмайман, дили оввора кимнинг
Асири нарғиси* мастонасидир?

* Наргис — бўтакўз; мажозан: шахло кўз.

302

Билар ноланинг оҳангини бедил*,
Аниқлар эритиб эл тиллани, бил.
Куюқ диллар, келинг, нола қилайлик,
Куюқ дил қадрини билгай куюқ дил.

* Бедил — ошиқ, мафтун; дардли, аламли; ҳолсиз, мажолсиз.

303

Бу дунё ишларига аклим ҳайрон,
Сабаб излайвериб, дил бўлди вайрон:
Қилиб ризқини кимларнинг фаровон,
Берар миннат билан кимга суву нон.

304

Қизиқмайсан — нечук бу ёри зоринг:
«Ўтар кимлар билан боғу баҳоринг?»
Мени ёд айламайсан сен-у, мен ҳам
Хабарсиз: ким биландир кору боринг?

305

Келиб қўр, ёр, дилим ғамга тўлиқдир,
Тўкар кўз қонли ёш, рангим сариқдир.
Бу ҳижрон дарди, собирлик азоби
Куюқ жонимга мангулик рафиқдир.

306

Мен ул риндманки, исён пеша қилдим,
Мудом қўлимга жому бода олдим.
Агар сен бегуноҳсан, бор, малак бўл!
Мен ул Одаму Ҳавводан яралдим.

307

Билолмайманки, розим кимга айтай?
Фаму сўзу гудозим кимга айтай?
Ким эшитса сирим элга қилур фош,
Ниҳон розу ниёзим кимга айтай?

308

Агар бўлса неча минг мулки дунё,
Агар бўлса неча минг мулки уқбо.
Кел, эй дилбар, очай кўнглим ўзингга:
Бу дунёда сенингсиз борми маъно?

309

Менга олам ғамини айладинг юк,
Кўриндимми сенга мен маст тужек?
Бурундуқ ўтказиб, нокасга бердинг,
У ўйлар: юкни қўп ортсам, юрар тек.

310

Бу ёлғизлик ғамидан куйди жоним,
Кўриб ночорлигим ошди фифоним.
Узун тунларда бекаслик ғамидан
Қилар нола ҳар банди устихоним.

311

Агар дилбар юзига рағбатим бор,
Йўлим тўсма, бўлибман васлига зор.
Худо ҳаққи, шошилма мунча, сорбон,
Бу карвондан қолибман мен — дилафгор.

312

Худоё, дод бу дилдан, дод бу дилдан!
Бирор дам бўлмадим мен шод бу дилдан.
Менга арзингни айт дейишса тонгла,
Қиларман тинмайин фарёд бу дилдан!

313

Кишининг дарди йўқми — ўлгани беҳ!
Муҳаббатсиз қўнгилнинг сўлгани беҳ!
Сахар гулга бокиб, булбул урап бонг:
Беишқ кўзига тупроқ тўлгани беҳ!

314

Туғилгандан буён мен қўру ғофил,
Мудом бўлдим гуноҳ ишларга мойил.
Шу чорёру имомлар ҳаққи, ё Раб,
Тuya кўрдингми — йўқ: баҳримдан ўтгил!

315

Юзинг меҳри қўнгилдан чиқмас ҳеч он,
Этиб бўлмас бу ишқ дардини достон.
Ва лекин бу муҳаббат оташини
Халойиқдан тутиб бўлмайди пинҳон.

316

Неча минг-минг қўнгил вайрон ғамингда,
Неча минг-минг жигарлар қон ғамингда.

Неча минг-минг бу доғларни санаб бок,
Уларга йўқ ҳисоби сон ғамингда.

317

Сочини лоладан этмиш сарафroz,
Кўзининг қаърида пинҳон эрур ноз.
Бошимга солди бор савдоларини,
Неча йил ноз этар ул нозанин боз?

318

Фигону нола кор қилмас фалакка,
Хар айланганда ўт согай юракка.
Ўтиб кетмоқда оҳу ғам билан умр,
Фалак бўйсунмагай бизнинг тилакка.

319

Фалакнинг дастидан мен дод этарман!
Туну кун нолаю фарёд этарман!
Хасу хор бирла ўлтирса нигорим,
Кўнгилни қандайин мен шод этарман?!

320

Сўрабдирсанки, нечун бекарорман?
Магар парвардаи боди баҳорман?
Маконим нега тоғу дашту сахро?
Нетай, ёр, бунда мен беихтиёрман.

321

Сен, эй, бир нозанину дилрабосан,
Сен, эй, қайрилма қош, кўзи қаросан,
Сен, эй, қўш кокили жуфт аждаҳосан,
Менга дерсанки, нечун мубталосан?

322

Асал-ку бўлмадинг, нечун заҳарсан?
Эмассан ёр-у, ёнимда юрарсан.
Бу дил захмига малҳам қўймадинг, бас,
Нега захмимга туз сепиб туарсан?

323

Чекай бир охки, ўт тушсин жаҳона,
Бўлиб девона дил баттар девона.
Куюк дилларнинг охидан ҳазнр бўл,
Куюк дилларнинг охи кўп ёмон-а!

324

Бу сунбул мушки Чиндан-да қародир,
Бу кокулдан неча минг дил яродир.
Дилингга йўл тополмас нола-оҳим,
Бу дилми ёки тош, айт, не балодир?!

325

Мудом кўнглим ёнар, кўзим тўкар ёш,
Жигар қонини айш жоми этар фош.
Топарман қайта жон ўлсам бўйингдан,
Мазоримдан ўтар бўлсанг, қаламқош!

326

Мудом қолу бало ташвиши дилда,
Баён айлай гуноҳим қайси тилда?
Агар «ло тақнату»* тутмас қўлимни,
Ишим «во вайлато»* бўлгай бу элда.

* Ло тақнату — Куръон оятидан: «ноумид бўлманглар».
* Во вайлато — афсус-надомат.

327

Ғаминг дарёсига дил ботди-кетди,
Фироқинг доғи бағрим реш-реш* этди.
Кўзимда қонли ёшлар қатра-қатра,
Ки гўё лолалар мавсуми етди.

* Реш-реш — чок-чок, пора-пора.

Эргаш Очилов таржималари